

## 7. gr.

Styrkveitingar úr sjóðnum skulu fara fram í septembermánuði og skulu umsóknir komnar fyrir 15. september í hendur sjóðstjórnarinnar. Heimilt er þó sjóðstjórn að veita styrk úr sjóðnum á öðrum tíma, ef ástæða þykir til.

68

24. apríl

## 8. gr.

Skólastjórn Kvennaskólans á Blönduósi sé jafnframt stjórn sjóðsins.

## 9. gr.

Hætti Kvennaskólinn á Blönduósi að starfa, skal sjóðurinn falinn varðveislu fræðslumálaráðuneytisins, til þess að hann verði notaður í þeim tilgangi að mennta konur í húsmæðrafræðum.

## 10. gr.

Stjórn sjóðsins ber að halda gerðabók fyrir sjóðinn, færa inn í hana skipulagsskrána, samþykktir sjóðstjórnar, styrkveitingar og annað, sem varðar hag og rekstur sjóðsins. Þá skal halda sérstaka bók yfir tekjur og gjöld sjóðsins og færa í hana ársreikninga hans.

Reikningar sjóðsins skulu endurskoðaðir með reikningum Kvennaskólans á Blönduósi.

## 11. gr.

Leita skal staðfestingar forseta Íslands á skipulagsskrá þessari og skal hún birt í B-deild Stjórnartíðinda.

Staðfesting forsetans á skipulagsskrá fyrir Minningarsjóð um Guðmund og Björn Guðbrandssyni, Heydalsá, og Aðalbjörn Þórðarson, Klúku, útgefin á venjulegan hátt að mandatum af dómsmálaráðherra 29. apríl 1957.

Skipulagsskráin er þannig:

## SKIPULAGSSKRÁ

fyrir Minningarsjóðs um Guðmund og Björn Guðbrandssyni, Heydalsá, og Aðalbjörn Þórðarson, Klúku, sem stofnaður er 7. des. 1956 af ættingjum þeirra og vinum.

## 1. gr.

Sjóðurinn heitir Minningarsjóður Guðmundar, Björns og Aðalbjarnar og er gefinn til minningar um þá, er fórust í sjólslysi á Húnaflóa 7. des. 1950.

## 2. gr.

Stofnfé sjóðsins er kr. 11150.00 — ellefu þúsund og eitt hundrað og fimmtíu krónum — og skal ávaxtast í Sparisjóði Kirkjubólshrepps og Fellshreppa.

## 3. gr.

Sjóðurinn skal vera undir stjórn Slysavarnadeildar Kirkjubólshrepps og 2 nánustu ættingja þeirra bræðra og Aðalbjarnar. Falli deildin niður skal hreppstjóri Kirkjubólshrepps taka sæti í stjórn sjóðsins.

69

29. apríl

4. gr.  
Höfuðstól sjóðsins má aldrei skerða,  $\frac{2}{3}$  vaxta skal leggja við sjóðinn þangað til sjóðurinn nemur kr. 15000.00, þá helming vaxta þar til sjóðurinn er kr. 20000.00, úr því  $\frac{1}{3}$  vaxta þar til sjóðurinn er kr. 100000.00. Eftir það skal leggja  $\frac{1}{10}$  vaxta við höfuðstólinn.

5. gr.

Þeim hluta vaxta, sem ekki leggjast við höfuðstólinn samkv. 4. gr., skal verja til björgunarstarfsemi við Steingrímsfjörð og Húnaflóa, eftir því sem stjórn sjóðsins ákveður hverju sinni.

6. gr.

Komi ekki til úthlutunar úr sjóðnum leggjast allir vextirnir við höfuðstólinn.

7. gr.

Sjóðinn má efla með frjálsum framlögum og minningargjöfum.

8. gr.

Sjóðurinn hefur sérstakt reikningshald og fer útborgun fram 7. des.

9. gr.

Reikningsár sjóðsins er almanaksárið. Ársreikningur sjóðsins skal endurskoðaður af endurskoðendum Slysavarnadeildar Kirkjubólshrepps og lagður fram á aðalfundi deildarinnar.

10. gr.

Leita skal staðfestingar forseta Íslands á skipulagsskrá þessari.

70

29. apríl

Staðfesting forsetans á skipulagsskrá fyrir Minningarsjóð Sigurjóns Péturssonar á Álafossi, útgefin á venjulegan hátt að mandatum af dómsmálaráðherra 29. apríl 1957.

Skipulagsskráin er þannig:

## SKIPULAGSSKRÁ

fyrir Minningarsjóð Sigurjóns Péturssonar á Álafossi.

1. gr.

Sjóðurinn heitir Minningarsjóður Sigurjóns Péturssonar á Álafossi.

2. gr.

Sjóðurinn er stofnaður 6. febrúar 1957 með 150000.00 króna framlagi frá Félagi ísl. iðnrekenda og öðrum, til minningar um Sigurjón Pétursson, verksmiðju-eiganda, að Álafossi í Mosfellssveit.

Sigurjón Pétursson var fæddur 9. marz 1888 og lézt 3. maí 1955. Hann rak ullar- og klæðaverksmiðjuna Álafoss frá 1919 og stjórnaði henni af alkunnum dagnaði. Hann var aðalhvatamaður að stofnun Félags ísl. iðnrekenda hinn 6. febrúar 1933 og formaður félagsins frá stofnun þess til ársins 1945. Eftir það átti hann sæti í aðalstjórn félagsins í 2 ár eða til aðalfundar 1947 og tók því næst sæti um eins árs skeið í varastjórn félagsins, til aðalfundar 1948. Sigurjón Pétursson átti því sæti í stjórn Félags ísl. iðnrekenda í 15 ár og af því tímabili var hann formaður í 12 ár.